



## KITKUNUN UNA PIYUKHAQ?

Tamainnun havaktut Nunavutmi Kavamatkut havakviinnun, nunalaani havakvininlu kihiani Havaktinun Aanniqtailinirmullu Havalimaiqqata Nalliqtarvik Nunatsiami Nunavunmilu, ukuallu Nunavunmi Pivallialiutjutikhaliurnirmut Katiimayit.

### Uumilruhuktitauniit hapkuat:

- Pimmarluutigiyaa kannguhuktittiniqluunniit kinamik timikkut uqauhikkulluunniit.
- Piniarhimayumania irhiuqtittiniqluunniit kinamik.
- Piliurniq piyumayaungittunik nangutjutinik uqautinikluunniit inuup kinauninganik, nunamiutaqarninganik inuuniatigulluunniit, uvinianik, uppingatjutaanik, ukiunganik, arnauninganik/ angutauninganik, nuliarnikkut piqataanik, katihimatjutaanik, ilagiiknikkut qanuritjutaanik, auffangatjutaanik uvaniluunniit piyaqtauhimaliqtumi ihuinaarhimavagutaani.

### Nuliahungnikkut uumilruhuktitauniit hapkuat::

- Pimmarluktunik kanngunaqtunikluunniit qanuriliurutit pitjutitaaqtuq inuup arnauninganun/angutauninganun.
- Qanuriliurutit nuliahungnikkut pitjutit pipkaiyut irhiurnaqtunik, piyumayaungittunik, irhinaqtunik pimmarluktunikluunniit havakgiaqtuqvikmik.
- Qanuriliurutit nuliahungnikkut pitjutit ihumagiyauttaaqtut pitjutitaaqtut nuliarnikkut qanuriliurutikhaqaqtut inuup havaanganun havaakkulluunniit uuktuqvikhanun.

### Inungmun uumilruhuktitauniit hapkuat:

- Piqattaraanginnaqtuq qanuriliuruti humaagingitjutitaaqtittut kanguhuktittiyulluunniit inungmik.
- Qanuriliuraanginnarutinik piniarhimayut irhiuqtittinikkut, pimmarluktunik, huunngiyarnikkut kannguhuktittinikkulluunniit inungmik, inungnikluunniit.
- Irhiuqtittinikkut, pinahuarniarhimanikkut, ningarnikkut akhuulirnikkut akiniarnikkulluunniit ukuningalu quvianaittunik huunngiyarnikkulluunniit uqarutinik.

## HILINIAQQINGA IHUMAGUMA UUMILRUHUKTITAULIQTUNGA?

- Unniutilugu uumilruhuktipkaiyi huliyaat piyumayaungittuq nutqaqtiquyallu.
- Titiraqhimalugit qanuriliuqtauhimayut piliraangat.
- Uqaqatigiyumangitkungni uumilruhuktipkaiyi, apirilugu atanguyat inukluunniit ataniyuq hatummiaritjutigilutit. Unniutiyaqtallu havaktuliyiyikkut atanguyaq (unaluniin havaktuliyiyinikun ikayuqti (HIO) kamayiluunniit, ilauyuq havakvikmi, aanniaqtailinikkut, aanniqtailinikkut inuuhirnikkullu havaktiit unaluunniit havaktulirinnikkut qauyihaqti.

## NUTQAGUNGNAIQNAKHAVA AI?

- Tunilutit naunaiyaqtauhimayumik ihuigitjutimik havaktuliyiyikkut atanguyat/HIO ilaayumunluunniit havaktuliyiyikkut havaakkullu qauyiharvikkut havakvikmun uvani 867-975-6211.
- ilauguvit havaktiit ikayuqtinginni katimayiinuunniit, hivayaqtaaqat 867-979-4209 nunaluniin 867-979-0750.
- unaguqpiaguvin uuqtungningmik alanik, hivayaqtaaq-tatin alanik uktutinik Angayukhiq uuvani 1-844-ETHICS2.

Taiguqlugu Uumilruhuktitauniqangittumi Havakvikni Maligakhaq Naammagiyanginnikkullu Ihuarhainikkut Maligutikhaq aallanik ilitturipkaitjutikhanik takuyaqtuqlugu

<https://gov.nu.ca/in/human-resources/information/uumilruhaarinaittumik-havagviit>